

# ADOLAT

IJTIMOIY-SIYOSIY GAZETA

adolat24.uz/  
t.me/Gazeta\_Adotlat

## ЎЗБЕКИСТОН – РОССИЯ: давлатлараро ҳамкорлик тарихида янги саҳифа очилмоқда

... давлат раҳбарлари ҳузурда Ўзбекистон Республикаси ва Россия Федерацияси ҳамкорлигининг устувор йўналишларида ҳамкорликни кенгайтириш бўйича қўшма ҳаракатлар режаси, 2024-2026 йилларга мўлжалланган маданият соҳасида ҳамкорлик дастури, Олий таълим, қишлоқ хўжалиги, Соғлиқни сақлаш вазирликлари ўртасида ҳамкорлик алоқаларини ривожлантириш, саноат кооперациясини кенгайтириш ҳамда Ўзбекистонда кам қувватли атом электр станциясини қуриш бўйича ҳамкорлик тўғрисида икки томонлама келишувларга эришилди.



### Тақдимот

Ўзбекистон «Адолат» СДП Марказий аппарати ҳамда Алишер Навоий номидаги Ўзбекистон Миллий кутубхонаси ҳамкорлигида мамлакатимизнинг янги таҳрирдаги Конституцияси қабул қилинганлигининг бир йиллиги муносабати билан Бош қомусимизнинг партиямиз томонидан яратилган аудио китоби тақдимотига бағишланган тадбир бўлиб ўтди.



## ЕХҲТ ДИИХБ делегацияси билан учрашув бўлиб ўтди

Ўзбекистон «Адолат» СДП Сиёсий Кенгаши Марказий аппаратида Европада хавфсизлик ва ҳамкорлик ташкилоти Демократик институтлар ва инсон ҳуқуқлари бўйича бюроси (ЕХҲТ ДИИХБ) миссияси раҳбари Кеара Касталдо бошчилигидаги делегация билан учрашув бўлиб ўтди.

Учрашувда партия Сиёсий Кенгаши раиси Робохон Махмудова Ўзбекистон «Адолат» СДПнинг ўтган даврдаги фаолияти, партиянинг ғоя ва мақсадлари ҳамда Сайловолди дастуридан келиб

чиқадиган вазифаларнинг ижроси, келгусидаги устувор йўналишлар ҳусусида сўз юритди.

Шунингдек, Ўзбекистонда хотин-қизларнинг ижтимоий-сиёсий фаоллигини ошириш борасида яратилаётган имкониятлар, уларнинг ҳақ-ҳуқуқларини тўлақонли таъминлашга қаратилган ислохотлар ҳусусида ҳам сўз борди.

Самимий руҳда ўтган учрашувда томонлар ўзларини қизиқтирган барча саволларга атрофлича жавоб олишди.

## ЭНДИ БАРЧА КУТУБХОНАЛАРДА

### Бош қомусимизнинг аудио китобини тинглашингиз мумкин



Аҳолини ўйлантираётган муаммолар ҳал этиладиган бўлди

## Дорилар РЕКЛАМАСИ:

мақтовлар жойида, уларнинг салбий жиҳатларичи?..



**РЕПЕТИТОРГА** INGLIZ TILI  
RUS TILI  
МАТЕМАТИКА  
IELTS

Эҳтиёж қачон ўўқолади?!

### 1 июнь – Болаларни ҳимоя қилиш халқаро куни



## "Меҳр карбони" – болалар ҳузурига

## ЭҲСОННИНГ ҚАДРИ



Ҳайр-эҳсон ва кўнгли синиқлар дуосининг аҳамиятини баҳолаш имконсиздир. Ҳамиша эҳсонларингиз билан кўнгилларни обод этишни қанда қилманг...

ДИҚҚАТ, АКЦИЯ !!!

**ADOLAT**  
SOTSIAL-DEMOKRATIK PARTIYASI  
ТАШАББУСИ БИЛАН

2024 ЙИЛ 31 МАЙ КУНИ

РЕСПУБЛИКА ҚОН ҚУЙИШ МАРКАЗИ ВА УНИНГ ХУДУДИЙ БЎЛИНМАЛАРИДА

**"БОР МЕҲРИМИЗ СЕНГА, БОЛАЖОН!"**

БЕҒАРАЗ ДОНОРЛИК АКЦИЯСИГА БАРЧА ЮРТДОШЛАРИМИЗНИ ЧОРЛАБ ҚОЛАМИЗ !



**ВАҚТ:** 9:00 дан 16:00 гача  
**МАНЗИЛ:** Тошкент шаҳар, Шота Руставели кўчаси, 138-уй  
**ТЕЛЕФОН:** +998 99-640-24-24  
**БАТАФСИЛ:** www.adolat.uz

Хушхабар



Муносабат

# Белгиланган вазифалар Ғояларимиз рўёбига хизмат қилади

Бугун янги Ўзбекистонни барпо этиш, ривожланган давлатлар қаторига чиқиш йўлидан дадил бораётган мамлакатимизда сиёсий, ижтимоий, иқтисодий, маънавий-маърифий соҳаларда жадал ўзгаришлар давом этмоқда.

Сир эмаски, амалга оширилаётган ислохотларимизнинг самараси кўп жиҳатдан фуқароларимизнинг ҳуқуқий-сиёсий саводхонлиги ва ҳуқуқий маданияти даражасига боғлиқ.

**Робахон МАХМУДОВА,**  
Ўзбекистон "Адолат" СДП  
Сиёсий Кенгаши раиси

# Бенинг тенгдошинг

**Илмга чанқоқ, интилувчан, изланувчан ёшлар мамлакатимизнинг эртанги истиқболи, ёрқин келажакни таъминловчи кучдир**

Бугунги кунда ёшларимизнинг сифатли таълим олиши ва ўз иқтидори салоҳиятини рўёбга чиқариши учун барча шарт-шароитлар яратилган.

Ушбу кенг имкониятлардан самарали фойдаланиб, ўз билим, тафаккурини ривожлантириш орқали дунё илм-фани, маданиятига салмоқли ҳисса қўшган буюк алломаларимизга муносиб издош бўлаётган йигит-қизларимизнинг муваффақиятлари барчамизни Ватанимиз раънақи йўлида янада фаол бўлишга ундайди.

Умидли ёшларимиздан бири, Ботир Қобулов дунёнинг топ нуфузли университетларидан бири – Харвард университе-

тида докторлик унвонини олган илк ўзбек олими сифатида эътироф этилиши барча юртдошларимиз қаторида биз, «Адолат»чиларнинг ҳам қалбимизни фахр-ифтихорга тўлдирди.

Боси, юртимиз тараққиёти ва халқимизнинг фаровонлигини таъминлаш йўлида мамлакатимиз илмий салоҳиятини кучайтириш, ижтимоий-иқтисодий ривожлантиришда илм-фаннинг ролини оширишга кенг эътибор қаратиб келаётган ва бу борада олимларимизни, айниқса, ёш олимларни ҳар томонлама қўллаб-қувватлашга интилаётган сиёсий куч сифатида ақлу заковати юксак, иқтидорли ёшларимиз эришаётган

ютуқлар партияимизнинг дастурий мақсадларини юзага чиқаришда мустақкам замин яратмоқда. Зеро, биз интилаётган адолатли жамият олимларга таянади.

**Фурсатдан фойдаланиб, барча ёшларимизга ибрат бўлаётган олим йигитимиз — Ботиржонни Ўзбекистон «Адолат» СДП Сиёсий Кенгаши жамоаси ва кўп минг сонли партиядошларимиз номидан эришилган юқори илмий даража билан самимий муборакбод эътибори билан ва илм йўлидаги келгуси ишларида бардавом зафарлар ёр бўлишини тилайман.**



# Энди барча кутубхоналарда

# Бош қомусимизнинг аудио китобини тинглашингиз мумкин

Унда Ўзбекистон «Адолат» СДП Сиёсий Кенгаши раиси Робахон Махмудова, партия Марказий аппарати раҳбарияти ва масъул ходимлари, халқ депутатлари Тошкент шаҳар Кенгаши депутатлари, Олий Мажлис Қонунчилик палатаси ҳузуридаги «Ёшлар парламенти» аъзолари, Ўзбекистон Миллий кутубхонаси раҳбарияти ва ходимлари, ОАВ вакиллари ҳамда ёшлар иштирок этишди.

Қизгин лаҳзаларга бой ўтган тадбирда янги таҳрирдаги Конституцияимизнинг аудиокитоби кутубхонага тақдим этилди. Шунингдек, мазкур аудиокитобнинг электрон шакли кутубхона тизимидаги барча ахборот-ресурс марказларининг интеграциялашган ягона тармоғига жойлаштирилди.

Эндиликда, ҳар бир фуқаро ўзи истиқомат қилаётган ҳудуддаги ахборот-ресурс марказларида янги таҳрирдаги Конституцияимизнинг аудио форматини тинглаш ва юклаб олиш имкониятига эга бўлади.

Ана шундай тақдимот тадбирларидан яна бири Республика марказий Кўзи ожизлар махсус кутубхонасида бўлиб ўтди.

Тадбирда «Адолат» СДП Сиёсий Кенгаши раиси Робахон Махмудова иштирок этди.

Тадбир аввалида Робахон Махмудова аҳолининг барча қатлами учун Конституцион нормалар мазмун-моҳиятини қулай ва осон тарзда тушунтириш, иш, ўқиш ва кундалик ҳаётда Бош қомусимизнинг муҳим нормаларини самарали ўрганишга қаратилган масалаларга алоҳида тўхталиб ўтди.

Шунингдек, тадбирда Республика Кўзи ожизлар махсус кутубхонаси директори Гулчехра Султанметова ҳам сўз олиб, Бош қомусимизнинг партия томонидан яратилган аудио китоб шаклидаги варианти мамлакатимиз қонунчилик асосларида қатъий белгилаб қўйилган тенг ҳуқуқлилик принципига асосан, имконияти чекланган фуқароларга ҳам Конституцияимиз нормаларининг мазмун-моҳиятини қулай, осон тарзда тушуниш, эслаб қолиш имкониятини яратиб бераётганлиги билан аҳамиятли эканлигини эътироф этиб, «Адолат» партиясининг бу каби эзу ишлари келгусида ҳам бардавом бўлишига ишонч билдирди.


Тадбир давомида «Адолат» СДП Сиёсий Кенгаши раиси ўринбосари Исроҳон Ҳамроев иштирокчиларга янги таҳрирдаги Бош қомусимизнинг тарихий аҳамияти борасида сўзлаб, унда халқ манфаатини ифода этувчи, фуқаролар ҳақ-ҳуқуқларини тўлақонли таъминлашга хизмат қилувчи муҳим нормалар акс этгани, партия томонидан яратилган аудио китобнинг асосий мақсад ва вазифаси аҳолига қулай ва интерактив усуллар ёрдамида Асосий қонунимиз мазмун-моҳиятини тушунтиришга қаратилганлигини таъкидлаб ўтди.

Савол-жавобларга бой ўтган тадбир сўнггида янги таҳрирдаги Конституцияимизнинг аудио китоблари Республика марказий Кўзи ожизлар махсус кутубхонасига тақдим этилди.

Эндиликда мазкур марказ фойдаланувчилари ҳам янги таҳрирдаги Конституцияимизнинг аудио форматини онлайн тарзда тинглаш имкониятига эга бўлади.

Аудио китоб тақдимотлари давлат ва нодавлат ташкилотларида давом этмоқда.

«Адолат» СДП Матбуот хизмати



# ЎЗБЕКИСТОН - РОССИЯ: давлатлараро ҳамкорлик тарихида янги саҳифа очилмоқда



1992 йил 20 март санаси Ўзбекистон ва Россия ўртасидаги самарали ва ўзаро манфаатли алоқалар ривожига муҳим ҳисобланади. Бойси, шу куни Россия Ўзбекистонни мустақил давлат сифатида тан олган. Ўтган 32 йиллик вақт давомида дипломатик муносабатлар янада кенгайиб, янги босқичга кўтарилиб борди.

**Музаффа АБДИЕВА,**  
Олий Мажлис Қонунчилик палатасидаги  
"Адолат" СДП фракцияси аъзоси

Хусусан, 2004 йил 16 июнда Стратегик ҳамкорлик, 2005 йил 14 ноябрда Иттифоқчилик муносабатлари тўғрисидаги шартномалар тузилди. 2012 йил 4 июнда эса Ўзбекистон Республикаси ва Россия Федерацияси ўртасида Стратегик ҳамкорликни чуқурлаштириш тўғрисидаги декларация қабул қилинган. Кейинги йилларда амалга оширилган олий даражадаги 20 га яқин ўзаро ташрифлар эса деярли барча жабҳаларда давлатлараро мулоқотни сезиларли даражада фаоллаштириш имконини берганлиги билан янада аҳамиятлери.

Хозирда Ўзбекистон ва Россия ўртасида икки томонлама ва кўп томонлама форматдаги ҳамкорликнинг долзарб ва муҳим жиҳатлари юзасидан Ҳукуматлараро, Парламентлараро мунтазам маслаҳатлашувлар ўтказиб келинмоқда. Шу билан бирга Ўзбекистон ва Россия БМТ, МДХ, Шанхай ҳамкорлик ташкилоти ва бошқа глобал ҳамда минтақавий тузилмалар доирасида яқиндан ҳамкорлик қилади ҳамда бир-бирининг ташаббусларини фаол қўллаб-қувватлайди. Икки мамлакат ўртасидаги фаол ҳамкорликнинг яна бир муҳим

бўғини, бу – савдо-иқтисодий ҳамкорлик алоқаларининг жадал ривожланганлигидир. Ўзбекистоннинг Россия билан савдоси икки ва кўп томонлама келишувларга мувофиқ эркин савдо режимида амалга ошириб келинмоқда. Охириги 7 йилда ўзаро товар айирбошлаш ҳажми 2,5 баробарга ортди. Хусусан, 2017 йилда 4,73 миллиард долларни ташкил этган бўлса, 2023 йил якунига келиб ўзаро товар айирбошлаш ҳажми салкам 10 миллиард долларга етди. Жорий йилнинг январь-апрель ойларига ўшбу кўрсаткич 3,8 миллиард долларга етиб, 30 фоиздан ортиқ ўсишга эришилди. Бугунги кунда Ўзбекистонда Россия капитали иштирокидаги 3000 дан ортиқ корхона фаолият кўрсатиб келмоқда. Сўнгги йилларда тоғкон, металлургия, ёқилги-энергетика, кимё, қишлоқ ҳўжалиги, машинасозлик, тўқимачилик ва бошқа соҳаларда 100 дан ортиқ йирик қўшма лойиҳалар амалга оширилди. Бу каби ижобий кўрсаткичларга эришишда икки давлат раҳбарлари ўртасида ўрнатилган ишончли ва дўстона руҳдаги алоқаларнинг ўрни муҳим, албатта. Россия Федерацияси Президенти Владимир Путиннинг Ўзбекистонга қилган навбатдаги ташрифи ва ташриф доирасида эришилган натижалар эса икки мамлакат ишбилармон доиралари ва етакчи иқтисодий тузилмалари ўртасида тўғридан-тўғри алоқаларни янада ривожлантириш, савдо-иқтисодий, маданий, гуманитар соҳалардаги ҳамкорлик алоқаларининг янги босқичга кўтарилишида муҳим аҳамият касб этади. Давлат етакчилари ўртасида

бўлиб ўтган тор доирадаги учрашувда Ўзбекистон – Россия кенг қамровли стратегик шериклик ва иттифоқчилик муносабатларини янада ривожлантириш ва чуқурлаштириш масалаларига алоҳида тўхталиб ўтилди. Шунингдек, ҳудудлараро ҳамкорликни янада ривожлантириш, етакчи корхоналарнинг қўшма лойиҳаларини қўллаб-қувватлаш мақсадида Қўшма инвестиция платформасини ишга туширишга келишилди. Расмий делегациялар иштирокида кенгайтирилган таркибда ўтказилган музокаралар давомида эса сиёсий, савдо-иқтисодий ва маданий-гуманитар соҳалардаги алоқаларни янада ривожлантириш ва чуқурлаштириш, бунинг учун парламентлар, ҳукуматлар, вазирликлар, идоралар, ҳудудлар, жамоатчилик, экспертлар ва ишбилармон доиралар даражасидаги фаол алоқаларни изчил давом эттиришга келишиб олинди. Хусусан, самарали мулоқотлар якунида Ўзбекистон Президенти ва Россия Федерацияси Президенти Қўшма баёнот имзоладилар. Шу билан бирга давлат раҳбарлари ҳузурда Ўзбекистон Республикаси ва Россия Федерацияси ҳамкорлигининг устувор йўналишларида ҳамкорликни кенгайтириш бўйича қўшма ҳаракатлар режаси, 2024-2026 йилларга мўлжалланган маданият соҳасида ҳамкорлик дастури, Олий таълим, Қишлоқ ҳўжалиги, Соғлиқни сақлаш вазирликлари ўртасида ҳамкорлик алоқаларини ривожлантириш, саннат кооперациясини кенгайтириш ҳамда Ўзбекистонда кам қувватли атом электр станциясини қуриш бўйича ҳамкорлик тўғрисидаги икки томонлама келишувларга эришилди.

Умуман олганда, юқори натижадорликка эга бўлган учрашувлар якунидан ҳам билиш мумкинки, Россия Федерацияси Президенти Владимир Путиннинг Ўзбекистонга навбатдаги давлат ташрифи икки томонлама дўстлик, кенг қамровли стратегик шериклик ва иттифоқчилик муносабатларини янада мустаҳкамлашга хизмат қилши, давлатлараро ҳамкорлик тарихида янги саҳифа очишига ҳисса қўшганлиги билан аҳамиятлидир.

## Юзма-юз мулоқот

# Аҳолини ўйлантираётган муаммолар ҳал этиладиган бўлди

Янги Ўзбекистонда инсон қадрини улуғлаш борасида улкан ишлар амалга ошириляпти. Барча ислохотлар замирида юртдошларимиз ҳуқуқ ва манфаатларини таъминлашдек олий қадрият мужассам.

Олий Мажлис Қонунчилик палатаси депутатлари ҳам жойларда аҳоли билан мулоқотга киришиб, одамларнинг оғирини енгил қилиш чораларини кўришмоқда. Бу эса, ўз навбатида, аҳолининг давлат ва жамиятга бўлган ишончини янада мустаҳкамляпти.



**АНДИЖОН.** Олий Мажлис Қонунчилик палатаси депутати Мавлуда АДҲАМЖОНОВА сайловчилар билан ишлашда доимо маҳалла фаоллари билан бирга. Айни кунларда ўз сайлов ҳудудида иш олиб бораётган халқ вакили Андижон туманидаги "Тумбаз" МФЙда бўлди.

Маҳаллада тиббиёт ходимлари томонидан хонадонларда соғлом турмуш тарзига қаратилган тарғибот тадбирлари ва патронаж ҳамширалар фаолияти тизимли йўлга қўйилган. Айни пайтда бу йўналишда муаммолар ҳам йўқ эмас. "Гумбаз ота" кўча, 53-уйда яшовчи фуқаро Барчиной Назирова жигар циррози касаллигига чалинган, лекин даволанишга имкони йўқ. Депутат ўрганиш натижасида унга моддий ёрдам зарур деган хулосага келди. МФЙ фаоллари ҳомиёлар кўмагида бемор онани даволанишига ёрдам кўрсатадиган бўлишди.

Шунингдек, Мавлуда Адҳамжоновна Андижон туманидаги "Дўстлик" МФЙда бўлиб, маҳалла еттиликнинг фаолияти билан қизиқди. Мазкур маҳаллада 4013 нафар фуқаро

яшайди, шундан 1943 нафари ёшлар. Ўз-ўзидан савол туғилади: хўш, ёшлар билан ишлаш талаб даражасидами? Афсуски, бу саволга дадил "ха" деб жавоб бериш қийин. Сабаби, янги тизим бўйича ёшлар етакчиси этиб тайинланган Хуршид Қодиров зиммасига юклатилган вазифани ҳалигача тушуниб етмаган. Маҳалла ёшлари билан ишлашда сустрекчилик қилмоқда.

МФЙ раиси Баҳромжон Эргашев тадбиркорликни ривожлантириш, аҳоли бандлигини таъминлаш, хотин-қизлар билан ишлаш, ёшларнинг муаммоларини ҳал этишда атрафидогиларни фаолликка чақиряпти. Агар янги тизим бир бўлиб иш юритса, маҳаллада муаммога ўрин қолмайди. М.Адҳамжоновна юқоридagi каби муаммоларга ечим топиш юзасидан тавсиялар берди.

**ҚАШҚАДАРЁ.** Олий Мажлис Қонунчилик палатаси депутати Махфурат ХУШВАҚТОВАнинг навбатдаги учрашувлари таҳлилий руҳда кечди. Депутат жойларда аҳоли билан юзма-юз мулоқотлар ўтказди. Бириктирилган соҳа ва объектларни ўрганди. Улар фаолиятининг самарадорлигини таҳлил қилди ва тегишли хулосалар чиқарди.

Мамлакатимизда тиббиёт муассасалари тармоғи фаолиятини фаоллаштириш ва кенгайтириш, соҳани халққа яқинлаштириш, зарур шарт-шароитлар яратиш, тиббий хизмат сифатини ошириш борасида кўплаб ишлар амалга ошириляпти. Аҳоли учун тиббиёт муассасалари бунёд этилиб, улар замонавий асбоб-ускуналар билан жиҳозланмоқда. Депутат Миришкор тумани "Жейнов" кишлоғида янги таъмирдан чиқарилиб, фойдаланишга топширилган оилавий поликлиникада бўлди. Бу ердаги шароит, имконият, соғлом турмуш тарзини тарғиб этиш борасида қилинган ишлар билан танишди. Электрон тизим, рақамлаштиришнинг афзалликлари хусусида тиббиёт ходимларига тушунчалар берди.

"Чандир" кишлоғида 4 та маҳалла фуқаролар йиғини мавжуд. Депутат маҳаллалар еттилиги билан мулоқотга киришди. Аҳоли хонадонла-



**СИРДАРЁ.** Олий Мажлис Қонунчилик палатаси депутати Нодира ЖОНИБЕКОВА Гулистон шаҳридаги "Аҳиллик", "Янгиҳаёт", "Шодлик" маҳаллаларида бўлиб, сайловчилар билан учрашувлар ўтказди.

Сўхбатлар чоғида мамлакатимизда амалга ошириляётган кенг қўламли ислохотлар, Қонунчилик палатасида қабул қилинаётган қонунларнинг мазмун-моҳияти атрафлича тушунтирилди.

Учрашувларда маҳалладаги муаммо ва камчиликлар юзасидан "маҳалла еттилиги" билан сўхбатлашилди. Шунингдек, "Темир дафтар", "Аёллар дафтари", "Ёшлар дафтари"да турувчи фуқароларга ижтимоий ёрдам кўрсатиш, уларнинг бандлигини таъминлаш юзасидан амалга ошириляётган ишлар ҳолати маъсуллар иштирокида муҳокама қилинди.

Одамларни ўйлантириб келаётган масалалар, йиғилиб қолган тизимли муаммолар тегишли ташкилотлар билан биргаликда ҳал этиладиган бўлди.



рида бўлди. Одамларни қийнаб келаётган камчиликларни мутасаддилар иштирокида бартараф этиш юзасидан тавсиялар берди.

– Маҳаллаларимизда қўшимча трансформаторга эҳтиёж бор, – деди "Чандир" МФЙ раиси Ўктам Ҳабитов. – Ички йўллар таъмирталаб. Пиледалар йўлакчаси йўқ. Симёғочлар эскириб қолган.

Махфурат Хушвақтова аҳоли муаммоларини обдон ўрганиб, камчиликларга шу ернинг ўзида туман ҳокимлиги ва масъуллар иштирокида ечим топишга эришди. Маҳаллаларга 1 июндан қўшимча трансформатор ўрнатиладиган бўлди. Июль-август ойларида эса симёғочларни бетон устунларга алмаштириш белгиланди. Депутат ҳудудларда касалликка чалиниб,

тўшақда ётиб қолган беморлар ҳолидан ҳам хабар олди. Кўп йиллардан бўён азият чекиб келаётган, сурункали хасталикка учраган беморларнинг ногиронлик гуруҳига чиқарилишига кўмаклашди. Баъзи хасталарга эса вилоят кўп тармоқли шифонасида даволанишга имкон яратилди.

Махфурат Хушвақтова тумандаги трансформатор ишлаб чиқаришга ихтисослашган завод фаолияти билан ҳам танишди. Ёш тадбиркорлар билан истиқболдаги вазифалари хусусида сўхбатлашди. Камчиликларини ҳал этишда амалий ёрдам берди. Қўшимча иш ўринлари яратётган ишбилармонларга ҳуқуқий тушунтиришлар берди.

Андижон, Сирдарё ва Қашқадарё вилоятги кенгашлари матбуот хизмати



## "Меҳр карвони" – болалар хузурига

Ўзбекистон "Адолат" СДП Қорақалпоғистон Республикаси Кенгаши ходимлари Нукус шаҳридаги 10-кўчи ожиз ва заиф кўрувчи болалар учун ихтисослаштирилган мактаб-интернатига ташриф буюриб, муассасада яратилган шароитлар билан танишишди.

Мазкур мактабда бугунги кунда 274 нафар ўқувчи таълим-тарбия олмақда. Болалар имконияти чекланган бўлишига қарамай, тенгдошлари сингари китоб ўқишга, мусиқа, санъат, спортга иштиёқи баланд. Улар республика миқёсидаги нуфузли кўрик-танлов ва фестивал-

лар, спорт мусобақалари ҳамда фан олимпиадаларида муваффақиятли қатнашиб, совринли ўринларни қўлга киритиб келишмоқда. Партия ходимлари ўқувчи-ёшлар ва мактаб жамоасини эришилган ютуқлар билан табриқлаб, келгуси фаолиятида омад ёр бўлишини тилашди.

Тадбир якунида "Меҳр карвони" акцияси доирасида 1 июнь – Болаларни ҳимоя қилиш халқаро кунини муносабати билан ўқувчиларга совғалар топширилди.

Ташриф давомида мактаб маъмурияти билан ҳамкорликда келгусида мазкур даргоҳда турли маънавий-маърифий ҳамда спорт тадбирларини ўтказиш борасида режалар тузиб олинди.

Мақсад ҲАБИБУЛЛАЕВ  
Ўза (фото)

Ўзбекистон "Адолат" социал-демократик партияси Фарғона вилоят кенгашининг "Меҳр карвони" вилоят бўйлаб сафарга отланди.



Вилоят кенгаши раиси Шаҳноза Ғаниева, раис ўринбосари Орифжон Ўлмасов дастлаб Тошлоқ туманидаги "Обод маҳалла" давлат дастури асосида янги қиёфа касб этган "Пиёзчилик" маҳалласидаги 39-умумтаълим мактабининг уйда якка тартибда тахсил олувчи ўқувчилари хонадонидан бўлди.

"Муҳандис" кўчасидаги 137-хонадонда яшовчи Муфаззалхон Иброҳимовани маҳалладошлари энг иродали, илмга чанқок қиз сифатида ҳурмат қилишди. У хасталикни бардош билан енгиб, гарчи тенгдошлари қатори мактабда таълим ололмаганди, барча фанларни тўлиқ ўзлаштириб, 6-синфни аъло баҳоларга тамомлашга муваффақ бўлди. Партия етакчиларининг йўқлови қизалоқнинг кайфиятини кўтариб юборди.

– Мен ҳамиша кучли бўлишга ҳаракат қиламан, – дейди Муфаззалхон Иброҳимов. – Албатта, мактабни аъло баҳоларга тамомлаб, келгусида маънавий шифокор бўлиш учун бор куч-ғайратимни ишга соламан. Бугун "Адолат" социал-демократик партиясининг вакиллари уйимизга келиб, йўқлаганидан бошим осмонга етди.

Мазкур кўчада жойлашган 83-хонадонда яшовчи Солиҳабону Мухторжонова ҳам уй шароитида таълим олаётган иқтидорли ўқувчилардан бири. Байрам тухфаси сифатида тақдим этилган эртақ китоблар Солиҳабонунга олам-олам қувонч бағишлади.

Вилоят кенгаши раиси Шаҳноза Ғаниеванинг Фузулий кўчасидаги 18-хонадонда истикомат қилувчи Озодбек Обиджонов билан қилган самимий мулоқоти оила аҳли учун кўтаринки руҳ бағишлади. Гарчи барча тенгдошлари қатори фикрларини нутқидан ифода қилолмаганди, йигитчанинги кўзидаги

миннатдорлик ва бахтиёрлик туйғуси йўқловчиларга ҳам кўчди.

"Меҳр карвони" лойиҳаси қатнашчилари Озодбек Обиджоновнинг уйдан чиқиб, "Баҳман" кўчасида жойлашган 54-уй томон йўналди. Оиланиннг қадри фарзанди Муаззамхон Эркинбоева ҳам жорий ўқув йилида 6-синфни аъло баҳоларга тамомлади. Ҳаёт синовларига қарамай, Муаззамхон ҳам халқимиз ва давлатимизнинг умидли вориси сифатида моҳир чевар бўлишни ният қилган.

– Мактабимиздаги ўқувчилардан 5 нафарига турли хасталиклар туфайли тенгдошлари қатори таълим олиш имконияти чекланган, – дейди 39-умумтаълим мактаби директори Муҳаммад Охунва. – Аммо ўқувчиларимиз уларнинг ҳар бири билан индивидуал шугулланиб, якка тартибда таълим беришди. Бу ўқувчиларимиз илмга чанқоқлиги билан бизни ҳайратлантиришди. "Адолат" социал-демократик партияси айнан мана шундай ўқувчиларимизни йўқлаб келганидан жуда хурсанд бўлдик. Чунки иш тажрибам давомида ҳали бирор марта бундай йўқлов амалга оширилганини кўрмаганман. Бундан ота-оналар, ўқувчилар, педагогик жамоамиз ҳам хурсанд бўлдик. "Меҳр карвони" нафақат болажонларимизга, балки уларнинг атрофидаги барча яқинларига қадр-қиммат, олийҳимматлик каби инсоний туйғуларни едга солди...

Дарҳақиқат, инсонга берилган озгина эътибор ва меҳр унинг қалбига улуғворлик тортиқ этади, юрт тараққиётига дахлдорлигини юксалтиради. "Адолат"чиларнинг меҳр улашувчи карвони эса ҳамиша йўлда.

Гулчехра АХМЕДОВА,  
Фарғона вилоят кенгаши матбуот котиби

Меҳр-мурувват кўрсатиш, саховатпешалик халқимизга хос гўзал қадриятлардан бири ҳисобланади.

Ҳукуматимиз томонидан ногиронлиги бор шахсларнинг ҳаётини яхшилашга катта эътибор қаратилмоқда. Биз буни янги тахрирдаги Конституциянинг 57-моддасида ногиронлиги бор шахсларга алоҳида эътибор қаратилгани мисолида ҳам кўришимиз мумкин. Давлатимиз томонидан ногиронлиги бўлган шахсларга касб-хунар ўргатиш, таълим бериш, бандликни таъминлаш чора-тадбирлари кучайтирилмоқда.

"Болаларни ҳимоя қилиш халқаро кунини" муносабати билан Ўзбекистон "Адолат" СДП Сиёсий Кенгаши Марказий аппарати ташаббуси асосида барча ҳудудий Кенгашларда, шу жумладан, Сирдарё вилоятида ҳам "Меҳр карвони" шиори остида байрам тадбирлари ўтказилмоқда.

Навбатдаги саховат тадбири "Меҳр карвони" лойиҳаси доирасида Сирдарё туманидаги 71-сонли имконияти чекланган болалар учун ихтисослаштирилган ёрдამчи мактабда ўтказилди. Ҳозирги кунда мактабда 242 нафар ўқувчи таълим олмақда. Жорий йилда мактабнинг 9-синфини 31 нафар ўқувчи битиради.

Байрам тадбирида Олий Мажлис Қонунчилик палатаси депутати Иномжон Қудратов, Бахт шаҳар ҳокими Олимжон Бердиев, "Адолат" СДП Сирдарё вилоят кенгаши раиси Жамол Комилов, Сирдарё вилоят кенгаши депутати Салоҳиддин Элмуродов, партия фаоллари, туман (шаҳар) кенгаши раислари, депутатлар, Сирдарё тумани 71-сонли имконияти чекланган болалар учун ихтисослаштирилган ёрдამчи мактаби раҳбари Рустам Иргашев ва ота-оналар иштирок этди.

Тадбир давомида партия Марказий аппарати томонидан юборилган эсдалик совғалари болаларга топширилиб, уларга байрам дастурхони ёзилди. Саховат тадбири концерт дастурларига уланиб кетди.

Сирдарё вилоят кенгаши матбуот хизмати

Бағрикенглик, саховатпешалик, меҳр-мурувват каби гўзал анъаналар уағланаётган шу кунларда "Адолат" СДП томонидан ташкил этилган "Меҳр карвони" шиори остидаги тадбирлар республикамизнинг барча вилоятларида давом этмоқда.

"Болаларни ҳимоя қилиш халқаро кунини" республика миёнада ҳар йили кенг нишонланади. Халқимиз келажакимиз эгаларига меҳр ва эътибор кўрсатади. Бу, айниқса, болалар байрами арафасида янада кенг қанот ёзади.

Ўзбекистон "Адолат" СДП ҳам бу борада янги ташаббус билан чиқди. Бу йил партия томонидан "Меҳр карвони" акцияси эълон қилинди. Байрам арафасида "Меҳр карвони" Андижон шаҳридаги болалар кўп тармоқли тиббиёт маркази болалар онкология бўлимига борди. Бу ерда даволанаётган болажонларнинг қайсидир маънода кўнгли ярим. Андижонлик "Адолат"чиларнинг йўқлови уларнинг қалбига олам-олам қувонч олиб кирди. Партия фаоллари ҳам бир муддат болаликка қайтиб, кичкинтойлар билан суҳбатлашдилар.

Дунёда боланиннг қувончидан, онаниннг хурсандчилигидан бахтли онлар бўлмаса керак. "Адолат" СДП Андижон вилоят кенгаши фаоллари томонидан совғалар топширилганда даврага янада файз кирди. Уйинчоқларни қайси бола ёқтиради дейсиз? Бемор болалар кўнгли ва машиначаларни бебаҳо совғадек қабул қилдилар.

– Бу ердаги болаларнинг кўзларидаги маюсликни кўриб, уларга нисбатан ўз-ўзидан қалбингизда меҳр уйғонади. Соғайиб бораётганини кўриб, улар билан бирага қувонамиз. Биз ҳар доим "Адолат"чилар билан ҳамкорликда ишлаймиз. Иш давомида бемор болаларни тиббий кўриқдан ўтказиш ва соғломлаштириш тадбирларини ҳам биргаликда ўтказамиз, – дейди гематология бўлими бош шифокори Манзура Эгамбердиева.



Бемор Муҳаммаджон Исмоилов эса кўнглидагиларини шундай изҳор қилди:

"Ҳар йили байрамда болалар боғига борардим. Бу йил уйланиб тургандим. Партия фаолларининг табриги ва совғалари кайфиятимни кўтарди. Катта бўлсам уларнинг изидан бораман".

Барча меҳрли инсонларни "Меҳр карвони"да қатнашишга чорлаймиз. Акция болалар шифохоналари ва муассасаларида давом этмоқда.

Жанона РАҲИМОВА,  
"Адолат" СДП Андижон шаҳар кенгаши раиси



Юртимизнинг қайси бир гўшасига борманг, болаларга кўрсатилаётган ғамхўрликнинг гувоҳи бўласиз. Фарзандлар кўзидаги қувончни кўриб, қалбингиз фахр ва ғурурга тўлади. Меҳр-мурувват, хайр-саховат каби эзгу фазилатлар халқимизнинг азалий қадриятлари сирасига қиради. Айни шу мақсад барчамизни келажакимиз эгаларига эътиборли бўлишга ундайди.

Бола – бу дунё, бола – бу ҳаёт мазмунининг ажралмас қисмидир. Болалар ўз табассумлари орқали инсонлар қалбига ҳаётга, яшашга бўлган қизиқишни уйғотадилар. Кўзларида эзгулик ва меҳр қалқиб турган болажон, мусавффо осмонда эркин парвоз қилаётган қалдирғоч мисоли. Халқаро байрам арафасида болаларга қувонч улаштириш мақсадида "Адолат" СДП Андижон вилоят кенгаши аъзолари Андижон вилоят Болалар кўп тармоқли тиббиёт маркази гематология бўлимида бўлиб, «Болаларга беринг дунёни» шиори остида тадбир ўтказишди.

– Бугун касаллигимни ҳам унутдим. Партия фаолларининг бизларни йўқлаганидан ниҳоятда хурсанд бўлдик. Меҳр-муҳаббатлари учун "Адолатчилар"дан миннатдоримиз, – дейди Шаҳриниса Комилова.

Зумрадхон СОЛИЕВА,  
"Адолат" СДП Андижон вилоят кенгаши мутахассиси





